

## **Ala xa masenyi firin nde Annabi Yaya naxan sebe Masenyi nde yi Kitaabui xa fe ra**

Annabi Yaya naxa yi bataaxe firin nde sebe danxaniyatɔe pama nde ma, nɔndi nu rafanxi naxee ma. Wule xaranyi nde nu yensenxi na waxati, a falafe ra a Isa mu nu faxi duniya adama ki ma. Annabi Yaya a masenma danxaniyatɔee be a a lanma e xa tondi mixie ra naxee na xaranyi mooli tima.

Yi bataaxe a masenma danxaniyatɔe birin be a xanunteya findixi Ala kolonmae xa tɔnxuma nan na. Ala wama won xa findi mixie ra naxee e bore xanuxi. Mixi naxan na tondi na yaamari ra, a bara tondi Ala fan na. Ala xa won mali alako xanunteya xa lu won boje ma. Amina.

## **Ala xa masenyi firin nde Annabi Yaya naxan sebe**

### *Nɔndi*

<sup>1</sup> N tan wo xa kuntigi bara wo xeebu, wo tan naxee findixi danxaniyatɔe pama sugandixi ra, a nun wo boore naxee bara nɔndi kolon. Wo rafan n tan nun nɔndi kolonyi birin ma, <sup>2</sup> barima nɔndi luma won boje ma abadan. <sup>3</sup> Baba Ala nun a xa Di Isa, a xa Mixi Sugandixi, e xa hinne won na, e xa kinikini won ma, e xa bojesa fi won ma nɔndi nun xanunteya kui.

<sup>4</sup> N bara sɛɛwa ki fanyi, barima ndee na wo ya ma naxee jɛɛfe Baba Ala xa nɔndi kira xɔn ma a xa seriye ki ma. <sup>5</sup> Danxaniyatɔɛ fanyie, n bara wo mayandi, won xa won bore xanu. N na naxan sɛbefe yi ki, yaamari nɛnɛ mu a ra. Won bara na seriye kolon kabi a fɔɛ. <sup>6</sup> Xanunteya nan ya, wo xa bira Ala xa seriye fɔxɔ ra. Wo lan nɛ wo xa Ala xa yaamarie rabatu, alɔ wo a mexi ki naxɛ kabi a fɔɛ.

<sup>7</sup> Mixi gbege wama wo madaxufe, a falafe ra a Ala xa Mixi Sugandixi Isa mu faxi dunɔpa adama ki ma. Na mixi madaxui mɔɔli findixi Ala xa Mixi Sugandixi yaxui nan na. <sup>8</sup> Wo xa fe birin naba alako wo naxa gan wo xa wali munafanyi ra. Wo xa kata wo xa sare kamalixi sɔɔ.

<sup>9</sup> Mixi naxan fe gbete suxuma, a mu bira Ala xa Mixi Sugandixi xa xaranyi fɔxɔ ra, na kanyi mu Ala kolon. Naxan birama a fɔxɔ ra, a bara Baba Ala nun a xa Di kolon. <sup>10</sup> Xa karamɔxɔ nde sa fa wo yire yi xaranyi xanbi, wo naxa a rasene, wo naxa a xɛɛbu, <sup>11</sup> xa na mu a ra wo fan bara lu a xa wali jaaxi kui.

<sup>12</sup> N wama fe gbege falafe wo bɛ, kɔnɔ n mu wama na rabafe sɛɛli ra, fo won xa lu yire keren, won xa dɛ masara, alako won ma sɛɛwe xa kamali. <sup>13</sup> Wo boore danxaniyatɔɛɛ bara wo xɛɛbu.

**Soso Kitaabuie: Tawureta, Yabura, Inyila**  
**The Holy Bible in the Susu language of Guinea (Soso**  
**Kitaabuie: Tawureta, Yabura, Inyila Bible)**

copyright © 2015 Mission Évangélique Réformée Néerlandaise et les  
Traducteurs Pionniers de la Bible

Language: Susu

Contributor: Mission Évangélique Réformée Néerlandaise

This translation is made available to you under the terms of the Creative  
Commons Attribution-Noncommercial-No Derivatives license 4.0.

You may share and redistribute this Bible translation or extracts from it  
in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.  
Pictures included with Scriptures and other documents on this site are  
licensed just for use with those Scriptures and documents. For other uses,  
please contact the respective copyright owners.

2020-11-11

---

PDF generated using Haiola and XeLaTeX on 11 Nov 2022 from source  
files dated 29 Jan 2022

f1d08866-ea3e-5b9b-b506-e7690c5c61d2